



الشاعر / ناجح أحمد محمد

- معلم - صعيد مصر - مواليد
١٩٧٢م - ليسانس دار العلوم
١٩٩٧م - - مدرب معتمد
لعلوم الحاسب الآلي - تفوق
في التأليف و الإلقاء الشعري

المسرحي - عمل لمدة عامين بقسم الصحافة والإعلام بمركز
الفنون والآداب بجامعة المنيا- صدر له عدة قصائد ورقية و
إلكترونية في جرائد و مجلات محلية وعالمية : جريدة البلاد
بالمدينة المنورة ٢٠١١م ، وموسوعة إبداع الثقافية جزء ١٤
(فصحى) ٢٠٢١م ، للدكتور/السيد محمد صابر،
والموسوعة الأدبية للشعر والأدب العربي للدكتور/ محمد
ضباشه ٢٠٢١م، و جريدة سفير القلم الإلكترونية ،
أمستردام هولندا ٢٠٢١م.

عروسة النوبه

عروسة النوبه .. من طوبه .. محبوبه
و توبه توبه .. مخطوبه .. للغربه .. و منسوبه .. للتربه ..
و نهر النيل
رنتها .. بالخلخال .. و ضفايرها .. شعر و حرير .. مدهون
من الزبدة
و مضفر .. من العنبر .. مليانه حنين.

عروسة النوبه .. يا فلقة القمره .. تجيني منين .. مع
الفجريه
على قصر النيل.. جايه وللا مش جايه.. يا نور العين.
عروسة النوبه .. دي عروستي .. جايه و عزوتها .. في
عزوبتها
و فستانها جميل و حرير.
عروسة النوبه دي عروستي.. بشايرها صلصال و بيتها
زعف و حصير.
مليانه من طيبه طيبتها و عذوبتها مليانه عسل و غدير
عروستي ملونه بلون النيل.
و القَصَّة على الجنبين ملمعه بزهره لوتس و كحل العين من
حجر البحر
مطحون .. من مرمر الفراعين
عروسة النوبه خروبه طعمها مسكر و شجر حنان قول أكثر.
بيني و بينك طعمها أجمل من السكر رسمتها مقططه تخيل
و تخيل
و حمرة خدودها مورده تهبل و تسكر من كتر حبي ليها
ماعدش عقلي يفكر و خلاص أروح لها وهو اللي مقدر مقدر.
ضفتها شرق و غرب هي واقفه على الجنبين والوادي بيها
مخضّر و صار عادي أقابلها على الجنبين تشاور تعالى قرب
مستنياك من سنين قابلني

على ضفتي التانيه تعالى قبلين و لا حتى بعدين مايهمش هُمَا
مش عارفين قلت أمين الموت فيك هيجيني مين و من فين
مايهمنيش من المجانين والموت فيك يا مورده الخدين ..
أحسن من إني أموت من البين
و أعيش وحدي حزين.

.....

مش شطاره

مش شطاره ... إنك إنت تاخدها مني مش شطاره
إيه الأماره ... إنك إنت أحسن مني ... إيه الأماره
ابن عز ولا كنت بتاكل في وز ... يعني إيه ... هتفرق إيه
إنت يا بيه ... عني حتى لو كنت عامل إشاره
فَشَّ غَلَّكَ في أنا ... تعمل إنك مالك روايه ... إيه الحكايه
الغشاوه عن عيونك ... هي الغناوه من نصيبك
إنك إنت فضيت بكاره ... اعرف إنت بأعلى صوت